

Dā leſde Schicht

Von Will M. Richrath

(Nach einer wahren Begebenheit.)

Bolle viertig Johr wor Herm Uhlenbruck op'm Kohlberg rumgekrupen on ha völl geſehn on erlewt. Et woren godde on ſchlächde Dage geweffen, äwer Herm hätt ſech nā ennerkriegen looten. He konn ſech no genau drop beſinnen, wie't dä Lied wor, as no en Haupen van Verbänne ſech gegenſeitig inne Hooren leggen de'en, wo't ömmer met dām Kā'el (Steiger) en groot Dedöhsn wor, wenn dat Gedinge afgeſchlotten weren mott. Jott, jo, dat leggen all ſo wiet torügge, dat mer ſech blot no ſo ganz ſchwach drop beſinnen konn. Bloot dat eene, dat vergeffen Herm ſo flott nā: Dat wor de Lied, as dā Franzosen de Pütts beſatten de'en. Chottsverdori, wat hätt Herm da geſlenkt! Dā Donnerkiel, dä kommt mi nā anne Kohlen, dä ſollt ſech öhre. Kohlen gefälligs ſelws ut dem Kohlberg halen. Dat hätt us grad no gefehlt, dat wi vör die Halunken hie unnen ſchuften ſallen, nā, nā, dat kömmt gar nech in Froge! Dn he hätt tren metgemakt, as et hieten deh, wi mötten 'n paſſive Reſtenz utöwen. Jau, Pannekauken, wat hätt dä Kāels dobowen wall vörn Schnute gemakt, as dā Kumpels wohl infahren de'en, äwer kinn Stückſken Kohle ropkom? Dpe Kiſten hätt dä Kumpels geſatt, Karten gekloppt oder Stückſkes vertellt. Dn domet hefft ſe ſchlöttlich auk gewonnen!

Na, und nu, wo Herm bolle viertig Johr op'm Buckel ha, freuen he ſech wie'n Kind op Wiehnachden, dat he bolle dä leſde Schich verfahren deh. Kāel, ſall dat'n Lewen gewen! Vörig Johr wor Herm viertehn Dage mit „Kraft durch Freude“ anne See, on vör ditt Johr hätt he ſech wat ganz Beſonneres utgeſenkt: ne Fahrt no Norwegen! Junge, ſall dat'n Spaß ſien!

Vörige Wecke trock Herm dör't Dorp on vertellen et allen Bekannten on Frönne: „Dwermorgen mak ek min leſde Schich, wittſe dat all? Ja, Junge, holl di dobie, dann kaſſe auk bolle drahn ſien!“ Dn Herm lachen, dat he alle anſtecken deh. Gedellde Freund, doppelte Freund, dat dachden auk alle Kumpels van Herm.

Dn dann fuhr Herm to ſien leſde Schicht op'm Kohlberg in. Komisch wor et doch, ſeggen ſech Herm, as he dör dān Duerſchlag no ſiene Strecke goh. All dat jühſte morgen on all dā Dage nā meh. Ha he välleich doch ſo'n bittken „Heimweh“ no'm Pütt? Wā kann dat ſeggen? Dn as dān Nachtschicht-Kāel kom on Herm ope Schulter kloppen, mak he bienoh en bedröppelt Geſich, as dā Kāel öhm gradelieren deh.

„Jau“, ſeggen Herm, „no een Wagen upſchuwen, dann iſt Schicht, vör immer!“

Dn dān leſden Wagen kom, dä vam Genkſchacht no dä Sohle getrocken wedden ſall. Herm, dä ſech allein op Drt ſiewen am Anſchlag beſann, mott auk ſelws dat Signal vör den Haſpeljungen gewen. Met jugendlicher Kraft ſchuwen he dān Wagen op, äwwer wat wor dat denn, verdamme no es, dā Wagen ſett ſech direk totüſchen, he wor langs gefallen. Gau halen Herm ſech'n Stempel on bührt on bührt, verdamme no es, dat ge ht nā ſo leicht. Dn do ſchmitt he den Stempel wieh'r weg, ſtellt ſech met'm Rücken gegen dān Wagen on will öm ſo dropbühren.

Do! Met eimol geiht dān Korw inne Höchte. Herm ſchreien noch, bloot en einz'gen Schrei, — — dann wor et paſſiert . . .

Wat nutzen et, dat dā Bergbehörde enne ſtrengere Unnerſenkung inne Wege leiten deh? Herm wor dot, et wor werkllich ſiene leſde Schicht op'm Kohlberg. Dn dā Kohlberg woll öm nā hergewen, weil Herm Uhlenbruck bolle viertig Johr op'm Kohlberg rumgekrupen wor!



Wir Alten machen noch mit

Foto: Meinholtz